

Bosna i Hercegovina  
Federacija Bosne i Hercegovine  
TUZLANSKI KANTON  
Ministarstvo prostornog uređenja i zaštite okolice  
Broj: 12/1-19-027832/24  
Tuzla, 26.12.2024. godine

Na osnovu člana 56. Zakona o organizaciji organa uprave u FBiH ("Službene novine Federacije BiH" broj: 35/05) i člana 23. Zakona o ministarstvima i drugim organima uprave Tuzlanskog kantona ("Službene novine Tuzlanskog kantona" broj: 17/00, 3/01, 12/03, 10/05, 3/08, 8/11, 15/13, 15/17 i 5/24), minister Ministarstva prostornog uređenja i zaštite okolice Tuzlanskog kantona, d o n o s i

## O D L U K U O PONIŠTENJU JAVNOG KONKURSA

**za dodjelu poticaja u vidu finansijske pomoći za aktivnosti sakupljanja i reciklaže posebnih kategorija otpada i to otpadnih akumulatora i baterija, otpadnih ulja i otpadnih vozila za 2023. godinu.**

### I

Poništava se Javni konkurs za dodjelu poticaja u vidu finansijske pomoći za aktivnosti sakupljanja i reciklaže posebnih kategorija otpada i to otpadnih akumulatora i baterija, otpadnih ulja i otpadnih vozila za 2023. godinu, koji je objavljen na web stranici Ministarstva i Večernjem listu BiH, Mostar dana 09.09.2024. godine.

### II

Svi aplikanti koji su se prijavili (ovlaštena ili opunomoćena lica) na gore citirani Javni konkurs, nakon objavljivanja ove Odluke imaju pravo doći u prostorije Ministarstva prostornog uređenja i zaštite okolice Tuzlanskog kantona i preuzeti kompletnu dokumentaciju kojom su se prijavili na Javni konkurs.

### III

Ova Odluka stupa na snagu danom donošenja i ista će biti objavljena na web stranici Ministarstva.

#### Dostaviti:

1. Članovima Komisije,
2. Evidenciji,
3. Arhivi,



**MINISTAR**

**Anela Ajšić, BA ing.grad.**

## Obrazloženje

Uredbom o načinu raspodjele ulaganja prikupljenih naknada za posebne kategorije otpada i uvjetima za dodjelu poticajnih sredstava („Službene novine FBiH“, broj: 59/21), propisan je način raspodjele i ulaganja prikupljenih naknada za posebne kategorije otpada i uslovi za dodjelu sredstava za ponovnu upotrebu, preradu i povrat komponenti iz otpada (reciklažu) i to za: gume, akumulatore i baterije, ulja i vozila.

Članom 6. Uredbe propisano je da poticajna sredstva dodjeljuje Fond, fond za zaštitu okoliša kantona i kantonalno ministarstvo nadležno za okoliš, na osnovu javnog konkursa koji se raspisuje jednom godišnje.

Shodno gore navedenom, u cilju provođenja Javnog konkursa za dodjelu poticaja u vidu finansijske pomoći za aktivnosti sakupljanja i reciklaže posebnih kategorija otpada, isti se raspisuje i kod Fonda i od strane nadležnog Ministarstva.

Obzirom na neusklađenost provedbenih propisa za pojedinačne kategorije otpada Pravilnika o upravljanju otpadnim baterijama i akumulatorima, Pravilnika o upravljanju otpadnim vozilima, Pravilnika o upravljanju otpadnim gumama, Pravilnika o upravljanju otpadnim uljima („Službene novine FBiH“, broj: 94/21), sa Uredbom o načinu raspodjele ulaganja prikupljenih naknada za posebne kategorije otpada i uvjetima za dodjelu poticajnih sredstava („Službene novine FBiH“, broj: 59/21), ovo Ministarstvo je zatražilo mišljenje Federalnog ministarstva za zaštitu okoliša i turizma.

Iz dostavljenog Mišljenja Federalnog ministarstva okoliša i turizma broj: 07/1-19-784/24 od 30.10.2024. godine proizilazi da aplikanti za Javni konkurs kod kantonalnog ministarstva trebaju dostaviti ovjerenu izjavu da nisu aplicirali kod Fonda za zaštitu okoliša Federacije BiH, a nadalje da istu izjavu da nisu aplicirali na Javni konkurs za dodjelu poticaja u vidu finansijske pomoći za aktivnosti sakupljanja i reciklaže posebnih kategorija otpada kod kantonalnog ministarstva, trebaju dostaviti prilikom apliciranja za javni konkurs Fondu za zaštitu okoliša Federacije BiH.

U navedenom slučaju, aplikanti koji su ostvarili pravo na dodjelu kod Fonda, nakon što je i ovo Ministarstvo objavilo konkurs, ne bi mogli ostvariti pravo na dodjelu sredstava kod ovog Ministarstva.

Shodno navedenom, a kako se radi o aplikantima sa područja našeg kantona koji apliciraju za iste količine posebnih kategorija otpada po Javnim konkursima Ministarstva i Fonda, te trenutnu koliziju propisa neophodno je bilo Javni konkurs poništiti.